

onum animalium sentim & tenum remittit, inappetentia de vitiata Chylificatione, Corporis Marcor de Atrophia, Pulsuum debilitas & Lassitudo de sanguinis torpore, Asthma cum Cardiaca Passione de Respiratione læsa, Hypnades seu Somnolentia de spirituum animalium in Cerebro turbatione, nos certos reddunt. Qvod si maculae varii generis in superficie corporis efflorescant, Oculus earum causam ex colore, magnitudine, figura & consistentia dignoscet; nec facile fætor gravior è faucibus & Naso exurgens inflammationem mentitur, cum & præter hunc non raro alia adhuc signa adesse soleant, inflammationem in hac vel illa parte corporis denunciantia. Facies alias Hippocratica, Cutis color luridus, Oculorum Glaucoma, (ut nervis eorum è reciprocospirituum motu exagitatis objecta velut vaga adspiciantur;) Capitis Dolor gravatus, Artuum & Membrorum tremor, manus in primis ad ictum perficiendum renitentes, Analosis totius, & qvæcunq; sunt his assimilanda, hominem Hypochondriaco -- Scorbaticum sistunt, ubi tamen & hoc notandum, qvod, si plurimorum symptomatum in unum Coacervatorum fiat consideratio, Circumstantiæ morbi eò felicius explicitur.

§. 21.

De prognosi jam si ferre debeamus judicium, profundæ se se offerent Cogitationes, nec absolutè aliqvid de Viscido pronunciare licebit, nisi qvod ejus vitio ut plurimum Chronicci orientur morbi, qui tardo pede microcosmi sphæram permeant, & lento extra illam gradu ducuntur. Qualis causa talis hic est effectus, Causa est tenax, effectus contumax i. e. non facile mobilis ad obsequium medicamentorum, unde prognosticum est dubium, præprimis, qvia Spiritus quoq; de causæ participant malignitate, id qvod, si suffocatio metuenda & Convulsiones ad sint, difficilius adhuc evadet. Nullam ferè salutis spem Oedemata, si in Scirrum & Abscessum abeat, promittunt, vid. Barbette *Chirurg. Pract. Part. 2. l. 1. c. 4.* In genere autem Obstructio in solidis, fluida simul afficit, unde corpus ab utraq; parte vexatum saepe desperat, qvod in Apoplexia, Epilepsia aliisque hujus generis Affectibus observatur. Sed cum Viscidum ex accidenti multa comitantur symptomata, alium adhuc agnoscentia genitorem, merito etiam ad ea attendentes, de eventu vel felici vel

C2

infelici